


ԱՐԱԳԱԾՈՏՆԻ ՄԱՐԶ ԱՇՏԱՐԱԿ ՀԱՄԱՅՆՔ



2019 ԹՎԱԿԱՆԻ ԲՅՈՒՋԵ (ՀԱԿԻՐՃ ՏԱՐԲԵՐԱԿ)

Հաստատվել է Աշտարակ համայնքի ավագանու
2018թ.-ի դեկտեմբերի 25-ի հմ. 2-Ն որոշմամբ

ՀԱՄԱՅՆՔԻ ՂԵԿԱՎԱՐ ԹՈՎՄԱՍ ՇԱՀՎԵՐԴՅԱՆ

Բյուջեն, լինելով համայնքի եկամուտների ձևավորման ու ծախսերի կատարման տարեկան ֆինանսական ծրագիր, ուղղված է ՏԻՄ-երին օրենքով վերապահված լիազորությունների շրջանակներում համայնքային ծրագրերի իրականացմանը: Այլ կերպ ասած, բյուջեն ակնկալվող եկամուտների և առաջարկվող ծրագրերի ու միջոցառումների համապարփակ թվարկումն է գալիք ֆինանսական տարվա համար, ՏԻՄ-երի գործունեության յուրաքանչյուր բնագավառում: Լավագույն դեպքում, բյուջեն պոտենցիալ սպառողների միջև սահմանափակ միջոցների համապարփակ և հետևողական բաշխումն է: Որպես այդպիսին՝ բյուջեն ՏԻՄ-երի գործունեության ֆինանսական կառավարման առանցքն է:

Համայնքի 2019թ. ծրագրային բյուջեի ձևաչափի ընտրությունը պայմանավորված է ծախսերի կատարման արդյունավետությամբ և վերջնական արդյունքների ստացմամբ:

Ծրագրային բյուջեն ցույց է տալիս, 2019թ. բյուջետային ծրագրերն իրականացնելիս, որոշակի ռեսուրսներ ներդնելու դեպքում արդյունքների ձեռքբերումը՝ միաժամանակ, արմատավորելով նոր որակի և մակարդակի կառավարում, ձևավորելով ներդրված ռեսուրսների և ստացված արդյունքների միջև ինտեգրացված կապ, ապահովելով բյուջետային ծրագրի միջոցառումների ու գործողությունների կատարման թափանցիկությունն ու վերահսկման արդյունավետությունը:

Ծրագրային բյուջետավորման գործընթացը հնարավորություն է տալիս համայնքի հնգամյա զարգացման ծրագրի (ՀՀԶԾ-ի) և տարեկան աշխատանքային պլանի (ՏԱՊ-ի) հիման վրա պլանավորել համայնքի ֆինանսական միջոցները, դրանք օգտագործել խնայողաբար, արդյունավետ և հրապարակային:

Որդեգրելով աշխատանքային նոր ռազմավարություն՝ համայնքի բյուջետավարումը դադարում է դիտարկվել որպես ֆինանսական պլանի կազմում ու կատարում, այլ առավել կարևորվում են բնակչությանը համայնքային որակյալ ծառայությունների մատուցումը և համայնքի խնդիրների աստիճանական լուծումը:

Կարևորելով մասնակցային գործընթացները տեղական ինքնակառավարման համակարգում՝ բյուջետավորման այս ձևաչափով ամրագրվում է հաշվետվողականությունը, շարունակականությունը, ծրագրերի առաջնահերթությունների հստակ սահմանումը, բյուջետավարման գործառույթների հստակ բաշխումը, չափելիությունը:

Աշտարակ համայնքի 2019թ.-ի ծրագրային բյուջեի իրազեկման այս ձևաչափով ներկայացվում է համայնքի բնակիչների բարեկեցությանն բարձրացմանն ուղղված տարաբնույթ ծառայություններն ու հնարավոր ներդրումային ծրագրերը:

ԱՇՏԱՐԱԿ ՀԱՄԱՅՆՔԻ ՀԱՄԱՌՈՏ ՆԿԱՐԱԳԻՐԸ

1996թ-ից Արագածոտնի մարզկենտրոն դարձած Աշտարակ համայնքը հանրապետության միջին մեծության քաղաքներից է: Գտնվում է Երևանից մոտ 20կմ հյուսիս-արևմուտք, Քասաղ գետի երկու ափերին, ծովի մակերևույթից 1075մ միջին բացարձակ բարձրության վրա: Ավտոմոբիլային ճանապարհների կարևոր խաչմերուկ է: Գտնվում է Երևան-Վանաձոր, Երևան-Գյումրի, Վանաձոր-Էջմիածին ուղիների հատման վայրում: Աշտարակ հնամենի բնակավայրը հիշատակվում է անհիշելի ժամանակներից: Աշտարակը Հայաստանի հնագույն բնակավայրերից է, աչքի է ընկնում պատմական և ճարտարապետական հուշարձանների առատությամբ, ինչպես նաև Հայաստանի չափանիշներով բարենպաստ կլիմայով: Աշտարակը պատմականորեն միշտ աչքի է ընկել ավանդույթների անխառն պահպանմամբ և իր ուրույն դեմքն ունենալու շնորհիվ ներկայացել է որպես Հայաստանին առավել բնորոշ գյուղ, իսկ 1965թ-ից՝ որպես քաղաք: Աշտարակ քաղաքը իր ուրույն տեղը ունի նաև Հայաստանի գյուղատնտեսության, արդյունաբերության և հատկապես գիտության մեջ:

Համայնքի բնակչության առկա թիվը ըստ բնակչության ռեգիստրի տվյալների կազմում է 24901 մարդ, որից կանայք 10961, տղամարդ 13940: Ընտանիքների /ծխերի/ թիվը՝ 5478:

ԱՇՏԱՐԱԿ ՀԱՄԱՅՆՔԻ ՏԵՍԱԿԱՆԸ ԿԱՄ ԻՆՉՊԻՍԻՆ ԵՆՔ ՑԱՆԿԱՆՈՒՄ ՏԵՍԵԼ ՄԵՐ ՀԱՄԱՅՆՔԸ ԱՊԱԳԱՅՈՒՄ

Աշտարակ համայնքը պատմամշակութային և տուրիզմի կենտրոն է՝ արդիականացված ենթակառուցվածքով, ծառայությունների մատուցման նոր որակով, գործազրկության ցածր ցուցանիշներով:

Աշտարակը նաև ավանդական մշակույթի զարգացման օրինակելի քաղաք է:

ԱՇՏԱՐԱԿ ՀԱՄԱՅՆՔԻ ԴԵԿԱՎԱՐԻ ԲՅՈՒՋԵՏԱՅԻՆ ՈՒՂԵՐՁԸ ՀԱՄԱՅՆՔԻ ԶԱՐԳԱՑՄԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԻ ՄԱՍԻՆ

Համայնքի 2019թ. բյուջեն մշակվել է՝ հիմք ունենալով համայնքի 2017-2021 թթ. զարգացման հնգամյա ծրագիրը:

Համայնքի գործունեությունը մեծապես կախված է բյուջետային գործընթացի լավ կազմակերպումից, բյուջեի եկամուտների արդյունավետ հավաքագրումից և միջոցների խնայողական օգտագործումից:

Բյուջետային այս տարվա համայնքի զարգացման հիմնական ուղղություններն են՝

1. Բարելավել համայնքի ֆինանսական վիճակը՝
 - Շարունակել հողի հարկի և գույքահարկի տվյալների շտեմարանների ճշտման և թարմացման գործընթացը,
 - իրականացնել տեղական տուրքերի և վճարների, համայնքային ծառայությունների մատուցման դիմաց վճարների սահմանման և գանձման ճկուն քաղաքականություն,
 - խթանել ձեռներեցությունը և համայնքային տնտեսության զարգացումը,
 - բարձրացնել սեփական եկամուտների հավաքագրման մակարդակը:
2. Նպատակային և արդյունավետ օգտագործել բյուջեի միջոցները՝

- բարձրացնել բնակչությանը մատուցվող համայնքային ծառայությունների մակարդակը և որակը,
 - բյուջետային հատկացումների, ծրագրերի, միջոցառումների և ցուցանիշների մեջ ապահովել գենդերայնությունը,
 - բարձրացնել քաղաքապետարանի և համայնքային ենթակայության կազմակերպությունների աշխատանքի արդյունավետությունը:
3. Բարձրացնել համայնքի աղբահանության և սանմաքրման ծառայությունների մատուցման մակարդակը:
 4. Իրականացնել կրթության, մշակույթի և սպորտի բնագավառների համայնքային ենթակառուցվածքների պահպանման, նյութատեխնիկակային բազայի համալրման, ընթացիկ նորոգման և ջեռուցման աշխատանքները:
 5. Աշխուժացնել համայնքի մշակութային, մարզական և հասարակական կյանքը:
 6. Աջակցել բնակչության սոցիալապես անապահով ընտանիքներին:
 7. Ուշադրություն դարձնել այն հարցին, թե ինչպես են բյուջետային գործընթացները եւ կայացրած որոշումները ազդում կանանց եւ տղամարդկանց կյանքի որակի վրա:
 8. Նպաստել տարածաշրջանում զբոսաշրջության զարգացմանը:
 9. Ակտիվորեն համագործակցել միջազգային կազմակերպությունների հետ՝ համայնքային տնտեսությունում լրացուցիչ ներդրումներ ապահովելու նպատակով:

Համայնքի 2019թ. զարգացման հիմնական ուղղությունները ուղղված են բնակչության կենսական շահերի ապահովմանը, շրջակա միջավայրի պահպանմանը, համայնքի հարմարավետ ու բարեկեցիկ միջավայրի ստեղծմանը, համայնքային ենթակառուցվածքների արդիականացմանն ու զարգացմանը, ինչպես նաև համայնքի գլխավոր հատակագծին համապատասխան քաղաքաշինական ծրագրերի իրականացմանը:

2015թ.-ից մեր կողմից իրականացվում է նաև ծախսերի կատարման ծրագրային բյուջեի ձևաչափի ընտրությունը, որը պայմանավորված է ծախսերի կատարման արդյունավետությամբ և վերջնական արդյունքների ստացմամբ:

Ծրագրային բյուջեն ցույց է տալիս 2019 թվականի բյուջետային ծրագրերն իրականացնելիս՝ որոշակի ռեսուրսներ ներդնելու դեպքում արդյունքների ձեռքբերումը, միաժամանակ արմատավորելով նոր որակի և մակարդակի կառավարում, ձևավորելով ներդրված ռեսուրսների և ստացված արդյունքների միջև ինտեգրացված կապ, ապահովելով բյուջետային ծրագրի միջոցառումների ու գործողությունների կատարման թափանցիկությունն ու վերահսկման արդյունավետ մեխանիզմը:


Կարևորելով մասնակցային գործընթացների ներդրումը մեր համայնքում, բյուջետավարման այս ձևաչափով ևս ամրագրվում է հաշվետվողականությունը, շարունակականությունը, ծրագրերի և խնդիրների կատարման առաջնահերթությունների հստակ սահմանումը, բյուջետավարման գործառույթների հստակ վերաբաշխումը, չափելիությունը:

Որդեգրելով աշխատանքային նոր ռազմավարություն, առավել կարևորվում են բնակչությանը համայնքային ծառայությունների արդյունավետ մատուցումը և համայնքի խնդիրների աստիճանական լուծումը:

Ակնկալում ենք մեր համաքաղաքացիների աջակցությունն ու ակտիվ մասնակցությունը՝ համայնքի առջև դրված ծրագրային խնդիրների իրականացման և շոշափելի արդյունքների հասնելու նպատակով տեղական իշխանությունների որդեգրած քաղաքականությանը:

ԱՇՏԱՐԱԿ ՀԱՄԱՅՆՔԻ 2019 Թ. - ԲՅՈՒՋԵԻ ԿԱՆԽԱՏԵՍՎՈՂ ԵԿԱՄՈՒՏՆԵՐԸ

հազար դրամ




ԱՇՏԱՐԱԿ ՀԱՄԱՅՆՔԻ 2019 Թ.-Ի ԲՅՈՒՋԵԻ ԵԿԱՄՈՒՏՆԵՐԸ ԿԱԶՄԵԼՈՒ ԵՆ՝

564 254 600 ՀՀ դրամ

ԱՇՏԱՐԱԿ ՀԱՄԱՅՆՔԻ ԲՅՈՒՋԵԻ 3 ՏԱՐԿԱ ԵԿԱՄՈՒՏՆԵՐԸ

հազար դրամ




ԱՇՏԱՐԱԿ ՀԱՄԱՅՆՔԻ 2019 Թ.-Ի ԲՅՈՒՋԵԻ ԾԱԽՍԵՐԸ ԿԱԶՄՈՒՄ ԵՆ

577 638 400 ՀՀ դրամ


ԻՆՉ ՏԵՍԱԿԻ ԾԱԽՍԵՐ ԵՆ ԿԱՏԱՐՎԵԼՈՒ ՀԱՄԱՅՆՔԻ ԲՅՈՒՋԵԻ ՄԻՋՈՑՆԵՐԻ ՀԱՇՎԻՆ

հազար դրամ



ԻՆՉՊԵՍ ԵՆ ՓՈՓՈԽՎԵԼ ՀԱՄԱՅՆՔԻ ԲՅՈՒՋԵԻ ԾԱԽՍԵՐԸ 3 ՏԱՐՈՒՄ

հազար դրամ



ԻՆՉ ՆՊԱՏԱԿՆԵՐԻ ՀԱՄԱՐ ԵՆ ԾԱԽՍՎԵԼՈՒ 2019 Թ. Ի ԲՅՈՒՋԵԻ ՄԻՋՈՑՆԵՐԸ ԵՎ ԻՆՉ ՎԵՐՋՆԱԿԱՆ ԱՐԴՅՈՒՆՔՆԵՐ ԵՆ ՁԵՌՔ ԲԵՐՎԵԼՈՒ

Հ Հ	Ծրագրի նպատակ	Վերջնական արդյունք
Բաժին (Ոլորտ) 1. Ընդհանուր բնույթի հանրային ծառայություններ		
01	Համայնքի արդյունավետ կառավարման համակարգի ստեղծում	ՏԻՄ-երի՝ համայնքի ղեկավարի և ավագանու, կողմից ուղղորդված գործունեությունն ապահովված է
02	Ապահովել համայնքում ընդհանուր բնույթի ծառայությունների իրականացումը	ՔԿԱԳ գործունեության ապահովում, տեղեկատվական ծրագրերի առկայություն
03	Տեղեկատվական ծրագրերի, տեղեկատվական տեխնոլոգիաների և այլ հանրային ծառայությունների ձեռք բերում	Համայնքի զարգացման համար անհրաժեշտ ծառայությունների ձեռք բերում
04	Տեղական ինքնակառավարմանը բնակիչների մասնակցության մակարդակի բարձրացում	Նոր տեղեկատվական տեխնոլոգիաների ներդրմամբ մասնակցային, նպատակային գործունեության ծավալում և իրականացում
05	Բարելավել համայնքում ընդհանուր բնույթի այլ հանրային ծառայությունների մատուցումը	Համայնքի զարգացման համար անհրաժեշտ կապիտալ վերանորոգման աշխատանքների արդիականացման համար անհրաժեշտ գույքի և ծառայությունների ձեռք բերում
Բաժին (Ոլորտ) 2. Պաշտպանություն		
01	ՏԻՄ լիազորությունների շրջանակներում աջակցել քաղաքացիական պաշտպանության կազմակերպման գործընթացին	Քաղաքացիական պաշտպանության իրականացման աշխատանքների կազմակերպում
Բաժին (Ոլորտ) 4. Տնտեսական հարաբերություններ		
01	Համայնքում նպաստել գյուղատնտեսության զարգացմանը՝ վարելահողերի, խոտհարքների և արոտավայրերի նպատակային և արդյունավետ օգտագործման, ինչպես նաև ոլորտում իրականացվող համապետական միջոցառումների աջակցության միջոցով	Համայնքի գյուղատնտեսական հողերի ագրոքիմիական անալիզների և անասնահամաճարակային միջոցառումների իրականացում
02	Աջակցել համայնքում նոր թաղամասերի գազաֆիկացմանը	Գազաֆիկացված փողոցների և բնակարանների ավելացում
03	Ճանապարհային տնտեսության վիճակի բարելավում	Համայնքի կենտրոնական և երկրորդական փողոցների ասֆալտապատում և գծանշում
04	Համայնքում նոր արժեքների ստեղծման նպատակով սեփականություն հանդիսացող գույքի նպատակային օտարումների	Համայնքի ֆոնդային բյուջեի եկամուտների ավելացում

	ապահովում	
Բաժին (Ոլորտ) 5. Շրջակա միջավայրի պաշտպանություն		
01	Ունենալ մաքուր և հրապուրիչ համայնք	Կանոնակարգված աղբահանություն
02	Հարստացնել համայնքի աղբահանության ծառայության նյութատեխնիկական բազան	Աղբահանության ծառայությունը կազմակերպվում է հատուկ աղբատար մեքենաների միջոցով:
Բաժին (Ոլորտ) 6. Բնակարանային շինարարություն և կոմունալ ծառայություն		
01	Ապահովել համայնքի բարեկարգման աշխատանքների և բազմաբնակարան շենքերի սպասարկումն ու պահպանումը	Բարեկարգ համայնք և բազմաբնակարան շենքերում ծառայությունների մատուցում
02	Ապահովել համայնքի փողոցների լուսավորության համակարգի անխափան աշխատանքը	Գիշերային լուսավորության համակարգն ընդլայնվում է, իսկ առկա վթարները վերահսկելի են:
Բաժին (Ոլորտ) 7. Առողջապահություն		
Բաժին (Ոլորտ) 8. Հանգիստ, մշակույթ և կրոն		
01	Նպաստել համայնքում սպորտային միջոցառումների կազմակերպմանն ու անցկացմանը և անհատ մարզիկների ինքնաճանաչմանը	Համայնքում մասսայականացվում են տարբեր մարզաձևեր, առկա են մարզական բարձր ցուցանիշներ
02	Մշակույթի տների գործունեության ապահովում	Համայնքի բնակիչների համար որակյալ մշակութային ծառայություններից օգտվելու հնարավորությունների ապահովում
03	Համայնքում ապահովել մասսայական միջոցառումների կազմակերպումը, նպաստել ավանդական մշակույթի պրոպագանդմանը	Համայնքային մշակութային կյանքի ակտիվացում, զբոսաշրջության զարգացման նախադրյալների ապահովում
04	Աջակցել քաղաքացիական հասարակության կառույցներին և երիտասարդական կազմակերպություններին	Տարբեր ոլորտներում փոքր դրամաշնորհային ծրագրերի իրականացում
05	Համայնքի բնակչությանը մատուցվող մշակութային ծառայությունների արդիականացում	Համայնքի բնակչությանը մատուցվում են մշակութային որակյալ ծառայություններ
06	Նպաստել համայնքում տուրիզմի զարգացմանը և ավանդական մշակույթի ներդրման նախադրյալների ստեղծմանը, առողջ ապրելակերպի խթանմանը	Հանգստի նոր կենտրոնների և խաղահրապարակների առկայություն
Բաժին (Ոլորտ) 9. Կրթություն		
01	Ապահովել համայնքի բնակչությանը նախադպրոցական կրթության և դաստիարակության ոլորտում որակյալ ծառայությունների	5 նախակրթարանների անխափան գործունեություն

	մատուցումը	
02	Ապահովել համայնքի բնակչությանը արտադարձացական կրթության և դաստիարակության ոլորտում որակյալ ծառայությունների մատուցումը	Երաժշտական և գեղարվեստի դպրոցներում ուսումնական գործընթացների կազմակերպում
03	Աջակցել համայնքի կրթական այլ հաստատություններին, ուսանողներին և սովորողներին	Համայնքի դպրոցներին, ինչպես նաև բարձրագույն, միջնակարգ մասնագիտական և այլ հաստատություններում սովորողներին ֆինանսական աջակցության տրամադրում
04	Ապահովել արտադարձացական դաստիարակության հիմնարկներում կապիտալ նորոգման աշխատանքների իրականացումը	Երաժշտական դպրոցի տանիքի վերանորոգում
Բաժին (Ոլորտ) 10. Սոցիալական պաշտպանություն		
01	Աջակցել համայնքի բնակչության որոշակի խավերի սոցիալական վիճակի բարելավմանը	Համայնքի բնակչության սոցիալապես անապահով խավին, ժամանակավոր անաշխատունակության դեպքում մասնակի կամ ամբողջական ֆինանսական աջակցության հնարավորություն
02	Բարելավել համայնքի բնակիչների սոցիալական վիճակը	Համայնքում զրիված ազատամարտիկների, սոցիալապես անապահով ընտանիքներին ֆինանսական օգնությունների տրամադրում

ՈՐ ՈԼՈՐՏՆԵՐՈՒՄ ԵՆ ԾԱԽՍՎԵԼՈՒ 2019 ԹՎԱԿԱՆԻ ԲՅՈՒՋԵԻ ՄԻՋՈՑՆԵՐԸ

Հ/հ	ՈԼՈՐՏԻ ԱՆՎԱՆՈՒՄԸ	ԳՈՒՄԱՐԸ	ՏԵՍԱԿԱՐԱՐ ԿՇԻՌԸ (%)
	ԸՆԴԱՄԵՆԸ ԾԱԽՍԵՐ	577638.4	100
1.	Ընդհանուր բնույթի հանրային ծառայություններ	167463.8	29.0
2.	Պաշտպանություն	200	0.0
3.	Հաս. կարգ, անվտանգություն և դատական գործունեութ.	0	0.0
4.	Տնտեսական հարաբերություններ	-102992.5	-17.8
5.	Շրջակա միջավայրի պաշտպանություն	100000	17.3
6.	Բնակարանային շինարար. և կոմունալ ծառայություն	107600	18.6
7.	Առողջապահություն	0	0.0
8.	Հանգիստ, մշակույթ և կրոն	58000	10.0
9.	Կրթություն	208467.1	36.1
10.	Սոցիալական պաշտպանություն	8900	1.5
11.	Հիմնական բաժիններին չդասվող պահուստային ֆոնդեր	30000	5.2

ԻՆՉ ԸՆԹԱՑԻԿ ԵՎ ԿԱՊԻՏԱԼ ԾՐԱԳՐԵՐ ԵՎ ՄԻՋՈՑԱՌՈՒՄՆԵՐ ԵՆ ԻՐԱԿԱՆԱՑՎԵԼՈՒ

Բաժին	Խումբ	Դաս	Ծրագրերի ցանկը (անվանումը)	Ծախսեր
Բաժին (Ոլորտ) 1. Ընդհանուր բնույթի հանրային ծառայություններ				
01	1	1	Ծրագիր 1. Համայնքում արդյունավետ տեղական ինքնակառավարում	122816.3
01	3	1	Ծրագիր 2. Համայնքում ընդհանուր բնույթի ծառայությունների իրականացում	7297.5
01	6	1	Ծրագիր 3. Տեղեկատվական ծրագրերի, տեղեկատվական տեխնոլոգիաների և այլ հանրային ծառայությունների ձեռք բերում	2350
01	1	1	Ծրագիր 4. Բնակչությանը մատուցվող ծառայությունների արդիակա նացում, հանրային մասնակցությամբ որոշումների կայացում	5000
01	6	1	Ծրագիր 5. Համայնքում ընդհանուր բնույթի այլ հանրային ծառայությունների իրականացում	29000
Բաժին (Ոլորտ) 2. Պաշտպանություն				
02	2	0	Ծրագիր 1. Աջակցություն համայնքում քաղաքացիական պաշտպանության կազմակերպման գործընթացին	200
Բաժին (Ոլորտ) 4. Տնտեսական հարաբերություններ				
04	2	1	Ծրագիր 1. Համայնքի վարելահողերի, խոտհարքների և արոտավայրերի նպատակային և արդյունավետ օգտագործում, ինչպես նաև աջակցություն գյուղատնտեսության ոլորտում իրականացվող համապետական միջոցառումներին	150
04	3	2	Ծրագիր 2. Համայնքում նոր թաղամասերի գազաֆիկացում	1500
04	5	1	Ծրագիր 3. Համայնքի ճանապարհային տրանսպորտային համակարգերի օգտագործում, կառուցում և պահպանում	72000
04	9	1	Ծրագիր 4. Համայնքի սեփ.-ն հանդիսացող հողերի իրացում	-176642.5
Բաժին (Ոլորտ) 5. Շրջակա միջավայրի պաշտպանություն				
05	1	0	Ծրագիր 1. Համայնքը դարձնել մաքուր և հրապուրիչ շրջակա միջավայրով բնակավայր, արդյունավետ աղբահանության ծրագրերի իրականացում	90000
05	1	0	Ծրագիր 2. Համայնքի աղբահանության ծառայության նյութատեխնիկական բազայի ավելացում	10000

Բաժին (Ոլորտ) 6. Բնակարանային շինարարություն և կոմունալ ծառայություն

06	1	1	Ծրագիր 1. Համայնքում բարեկարգման աշխատանքների իրականացում, բազմաբնակարան շենքերի սպասարկում և պահպանում	72600
06	4	1	Ծրագիր 2. Համայնքում փողոցների լուսավորության համակարգի անխափան աշխատանքի ապահովում	4000
06	0	0	Ծրագիր 2. Համայնքում փողոցների լուսավորության համակարգի անխափան աշխատանքի, անվտանգ երթևեկության համար պայմանների ապահովում	31000

Բաժին (Ոլորտ) 8. Հանգիստ, մշակույթ և կրոն

08	1	1	Ծրագիր 1. Համայնքում սպորտային միջոցառումների կազմակերպում և անցկացում, անհատ մարզիկների ինքնաճանաչում	1500
08	2	3	Ծրագիր 2. Համայնքային ենթակայության մշակութային հիմնարկների բնականոն գործունեության ապահովում, պայմանների բարելավում	13500
08	2	4	Ծրագիր 3. Համայնքում մասսայական միջոցառումների կազմակերպում, ավանդական մշակույթի պրոպագանդում	3500
08	3	0	Ծրագիր 4. Քաղաքացիական հասարակության կառույցների, կրոնական և երիտասարդական կազմակերպությունների աջակցում և գործունեության ապահովում	2500
08	2	3	Ծրագիր 5. Մշակույթի տների կապիտալ նորոգում և ծառայությունների արդիականացում	5500
08	1	1	Ծրագիր 6. Հանգստի կազմակերպմանն ու առողջ ապրելակերպի խթանմանն ուղղված ենթակառույցների ստեղծում	31000

Բաժին (Ոլորտ) 9. Կրթություն

09	1	1	Ծրագիր 1. Համայնքի նախադպրոցական կրթության և դաստիարակության գործունեության ապահովում, պայմանների բարելավում	15250 0
09	5	1	Ծրագիր 2. Համայնքի արտադպրոցական կրթության և դաստիարակության գործունեության ապահովում, պայմանների բարելավում	50167.1
09	8	1	Ծրագիր 3. Համայնքի կրթական այլ հաստատություններին, ուսանողներին, սովորողներին ֆինանսական աջակցության	2800

տրամադրում

09	5	1	Ծրագիր 4. Արտադարձակական դաստիարակության հիմնարկներում կապիտալ նորոգման աշխատանքների իրականացում	3000
----	---	---	--	------

Բաժին (Ոլորտ) 10. Սոցիալական պաշտպանություն

10	1	1	Ծրագիր 1. Համայնքի բնակչության որոշակի խավերին ժամանակավոր անաշխատունակության, վատառողջության դեպքերում ֆինանսական աջակցության տրամադրում	1500
----	---	---	---	------

10	7	1	Ծրագիր 2. Սոցիալական օգնության տրամադրում զոհված ազատամարտիկների ընտանիքներին, պատանի երկրապահներին, ինչպես նաև սոցիալական խոցելի ընչազուրկ խմբերին և կարիքավորներին	7400
----	---	---	--	------

Բաժին (Ոլորտ) 11. Հիմնական բաժիններին չդասվող պահուստային ֆոնդեր

11	0	0	Ընդամենը համայնքի բյուջեի պահուստային ֆոնդի միջոցների հաշվին իրականացվող ծրագրեր	30000
----	---	---	---	-------